

Na osnovu odredaba člana 15. stav 1 alineja 2. Zakona o principima lokalne samouprave u Federaciji BiH („Službene novine Federacije BiH”, broj: 49/06 i 51/09), člana 41. Statuta Grada Tuzle („Službeni glasnik Grada Tuzle”, broj: 6/21) i člana 5. stav (3) Odluke o osnivanju Savjetodavnog odbora građana, („Službeni glasnik Grada Tuzle”, broj: 6/23), Stručna služba za poslove gradonačelnika raspisuje

## **JAVNI POZIV**

### **za izbor i imenovanje članova Savjetodavnog odbora građana Grada Tuzle**

#### **Član 1.**

- (1) Raspisuje se Javni poziv za izbor i imenovanje članova Savjetodavnog odbora građana Grada Tuzle.
- (2) Savjetodavni odbor građana se sastoji od sedam članova, uključujući predsjedavajućeg i zamjenika predsjedavajućeg. Zainteresovane lokalne organizacije mogu predložiti kandidate koji će ispuniti polovinu raspoloživih mjesta u Savjetodavnom odboru građana, dok će preostalu polovinu raspoloživih mjesta ispuniti građani koji predstavljaju lokalnu zajednicu bez organizacione pripadnosti.
- (3) Broj članova Savjetodavnog odbora može varirati u zavisnosti od broja lokalnih zajednica, spremnosti pojedinaca i predstavnika lokalnih organizacija da učestvuju.
- (4) Članovi Savjetodavnog odbora građana moraju biti punoljetna lica, moraju imati prebivalište na području Grada Tuzle i moraju biti neutralna lica - da nisu državni službenici na bilo kojem nivou vlasti, da nisu zaposleni u gradskoj upravi i da nisu članovi organa političke stranke.

#### **Član 2.**

Kandidate za članove Savjetodavnog odbora građana mogu predložiti:

- organizacije civilnog društva,
- javna preduzeća,
- javne institucije,
- privatni poslovni subjekti locirani u JLS,
- profesionalna udruženja (udruženje poslodavaca, privredne komore, i sl.),
- udruženja i fondacija koje u skladu sa svojim statutom provode aktivnosti usmjerene na žene, mlade i/ili marginalizovane kategorije,
- građani-aktivisti svih starosnih skupina.

#### **Član 3.**

- (1) Kriteriji za izbor članova Savjetodavnog odbora građana su:
  - motiviranost da postanu članovi Savjetodavnog odbora građana,
  - prethodno iskustvo u inicijativama/projektima u lokalnoj zajednici,
  - čvrsta opredjeljenost da po potrebi izdvoje najmanje 10 sati mjesečno za volonterski rad tokom 12-mjesečnog mandata,
  - želja da doprinesu pozitivnim promjenama u zajednici.

#### Član 4.

Djelokrug rada Savjetodavnog odbora građana obuhvata sljedeće oblasti:

- I. pružanje savjeta i podrške JLS u angažmanu građana u procesima lokalne uprave i identifikaciji novih prilika za učešće građana. U saradnji sa nadležnim predstavnicima JLS, Savjetodavni odbor građana će organizovati prilike za građane da na direktan ili indirektan način učestvuju u definisanju, planiranju i realizaciji potreba i prioriteta u oblastima koje se smatraju izuzetno značajnim za zajednicu, kao što su pružanje usluga, priprema budžeta, prostorno planiranje, prevencija korupcije, i sl.
- II. učestvovanje u nadzoru i praćenju provedbe ključnih funkcija JLS (kao što su realizacija budžeta, provedba lokalnih strategija i akcionih planova, i sl. ).
- III. zagovaranje provedbe projekata i inicijativa koje su građani identificirali kao prioritetne. Pri tome, Savjetodavni odbor građana će podržati napore organizacija civilnog društva i ostalih lokalnih partnera da povećaju budžetsku pismenost, pitanje zagovaranja i sl.
- IV. pružanje pomoći JLS da povećaju svijest i unaprijede načine informisanja građana o njihovom radu, kako bi osigurali da informacije budu usmjerene i dostupne svim građanima, uključujući žene, mlade i marginalizirane grupe.

Pored ovih ključnih oblasti djelovanja, Savjetodavni odbor građana, može poduzimati i ostale aktivnosti u dogovoru sa nadležnim predstavnicima JLS. Mandat Savjetodavnog odbora građana će biti utvrđen opisom specifičnih aktivnosti, koji će biti izrađen u toku uspostavljanja Savjetodavnog odbora građana.

#### Član 5.

**Prijave kandidata za članstvo u Savjetodavnom odboru građana se podnose u pisanoj formi na propisanom obrascu neposredno na protokol Grada Tuzle ili putem pošte uz obaveznu naznaku:**

**GRAD TUZLA-Stručna služba za poslove gradonačelnika,  
Ul. ZAVNOBiH-a, broj 11,  
„Prijava za Savjetodavni odbor građana Grada Tuzle - NE OTVARAJ”.**

**Uz prijavni obrazac potrebno je dostaviti kratko motivaciono pismo i biografiju.  
Javni poziv ostaje otvoren sedam dana od dana objavljivanja.**

Neblagovremene i nepotpune prijave neće se uzimati u razmatranje.

#### Član 6.

Obrazac za podnošenje prijave kandidata za članstvo u Savjetodavni odbor građana koje predlažu zainteresovane lokalne organizacije (O1), kao i Obrazac za podnošenje prijave za članstvo u Savjetodavni odbor građana od strane građana (O2) koji predstavljaju lokalnu zajednicu bez organizacione pripadnosti, nalaze u prilogu ovog Javnog poziva i mogu se preuzeti sa web stranici Grada Tuzle ([www.grad.tuzla.ba](http://www.grad.tuzla.ba)) pod „Javni pozivi i oglasi”.

### **Član 7.**

Javni poziv je istovremeno objavljen na web stranici Grada ([www.grad.tuzla.ba](http://www.grad.tuzla.ba)) i oglasnoj ploči Grada Tuzle, a obavještenje o objavljenom Javnom pozivu i njegovom sadržaju će se distribuirati i putem putem mjesnih zajednica, lokalnih medija, lokalnih organizacija civilnog društva i poslovnih subjekata.

### **Član 8.**

- (1) Stručna služba za poslove gradonačelnika će formirati Komisiju za izbor kandidata koja će izvršiti provjeru pristiglih prijava na Javni poziv, sačiniti izvještaj o pristiglim prijavama i utvrditi listu kandidata koji ispunjavaju uslove i kriterije iz ovog Javnog poziva.
- (2) Kandidati s najvišim ocjenama ulaze u uži izbor i biće pozvani na razgovor. Ukoliko na Javni poziv bude prijavljeno četiri ili manje kandidata, bez obzira da li predstavljaju organizacije ili građane, razgovor će biti obavljen sa svim kandidatima. Prilikom konačnog izbora, u mjeri u kojoj je to moguće, Komisija za izbor će voditi računa o zastupljenosti svih starosnih skupina, jednakopravnosti spolova, vještinama i obrazovanju prijavljenih kandidata.
- (3) Lista kandidata će se objaviti se na web stranici Grada Tuzle ([www.grad.tuzla.ba](http://www.grad.tuzla.ba)) pod „Javni pozivi i oglasi”, kao i na oglasnoj ploči gradske uprave.

### **Član 9.**

Nakon provedene procedure po Javnom pozivu gradonačelnik će donijeti Rješenje o imenovanju članova Savjetodavnog odbora građana.

**Stručna služba za poslove  
gradonačelnika**